



Razbijena šestočlana narkogrupa

Piše: **DRAGAN PAVLOVIĆ**

Pripadnici **SIPA** jučer su na području Trebinja, Kiseljaka i Stoca proveli akciju kodnog imena Sky, te su uhapsili šest osoba i oduzeli određenu količinu droge i 200.000 eura.

Privedeni su Ivica Antunović i Nikica Bošković, Ivan Cvijanović, Borislav Kovačević te braća Veletić, Jurica i Mario.

- Presječen je lanac trgovine drogom iz Albanije preko BiH i Hrvatske. Tokom 20 mjeseci koliko je **SIPA** radila na otkrivanju ovih počinitelaca oduzete su tri tone droge, a četiri tone nikada nisu pronađene, rekao je izvor blizak Oslobođenju. / STR. 19.

Švercali skank iz Albanije

Pripadnici **SIPA** raskrinkali su grupu koja se dovodi u vezu sa švercom sedam tona droge višemilionske vrijednosti

U operativnoj akciji kodnog imena Sky pripadnici **SIPA** jučer su uhapsili šest osoba i zaplijenili tri tone skanka. Kako nam je rečeno u **SIPA**, osumnjičeni se dovode u vezu sa švercom sedam tona droge skank u proteklom periodu iz Albanije, preko Crne Gore, BiH u Hrvatsku i dalje ka zemljama Evropske unije.

Obični mobiteli

Od navedene količine pripadnici **SIPA** su u proteklih 20 mjeseci zaplijenili oko tri tone opojne droge Cannabis sativa u više odvojenih operativnih akcija. Akcija je, po nalogu Tužilaštva BiH, izvedena na četiri lokacije (dvije na području Stoca, te po jedna u Kiseljaku i Trebinju) uz asistenciju pripadnika MUP-a HNK-a, MUP-a SBK-a i Uprave za indirektno oporezivanje (UIO) BiH.

Tokom pretresa pronadeno je više stotina hiljada eura, tri kriptovana mobitela (koje su koristili za neometan razgovor unutar njihove grupe), više običnih mobitela i određena količina droge. Tokom pretresa privremeno su oduzeti automobili, kao i druge stvari za koje se sumnja da su stečene na ilegalan način.

U ovoj akciji uhapšene su četiri osobe koje su državljani BiH, te dva



Osumnjičeni će nakon ispitivanja biti predati Tužilaštvu

državljanina Hrvatske koji se terete za organizovani kriminal i međunarodni šverc droge.

Krivična djela su zadokumentovale bezbjednosne agencije BiH, Hrvatske i Crne Gore uz međunarodnu pravnu pomoć. Osumnjičena grupa će biti predati u nadležnost Tužilaštvu BiH, koje će odlučiti o daljim mjerama.

Ove aktivnosti nastavak su operacija usmjerenih na otkrivanje i razbijanje krijumčarskih lanaca droge

marihuana-skank, spomenutim kanalom iz Albanije preko Crne Gore i BiH, prema Hrvatskoj i dalje ka drugim zemljama EU, koje su provedene u prethodnim mjesecima u operacijama Petrol Line, 24 i 24+ u kojima su na području Istočnog Sarajeva (Krupac), graničnog prelaza Gradiška i Gabela kod Čapljine izvršene pojedinačne zapljene više stotina kilograma droge namijenjene narokotrižistu zemalja EU, čija vrijednost na ilegalnom tržištu doseže višemilionske iznose. U okviru aktivnosti Tužilaštva BiH, zajedno sa partnerskim agencijama za provođenje zakona u BiH i zemljama regije, zadokumentovano je krijumčarenje velikih količina marihuane, najčešće u kamionskim transportima, nakon čega su na prostoru Bosne i Hercegovine izvršeni prestretanje i zapljena više od 2,5 tona te droge.

Cisterna sa drogom

Podsjetimo, u akciji Petrol Line u Neumu je u julu 2018. uhapšen Marijo Vuletić iz Metkovića sa 665 kilograma skanka. Droga je prilikom pretresa kamiona cisterne nadena zapakovana u vrećama u posebnoj dijelu cisterne. Vuletić se nalazi na izdržavanju trogodišnje kazne.

DRAGAN PAVLOVIĆ



Tokom 20 mjeseci oduzete su tri tone droge